



Headline	WCSC 2017 himpun 500 pemain industri
MediaTitle	Harian Metro
Date	14 Aug 2017
Section	Bisnes
Page No	37
Language	Malay
Journalist	N/A
Frequency	Daily



WCSC 2017 himpun 500 pemain industri

Kuala Lumpur: Persidangan Antarabangsa Bandar Raya Mampan Bertaraf Dunia 2017 (WCSC 2017) bertemakan Transformasi Bandar, Reka Bentuk, Alam Semulajadi dan Kehidupan Manusia terus mendapat pengiktirafan dalam kalangan profesional industri alam bina, pengurus bandar dan agensi kerajaan.

WCSC 2017 adalah anjuran bersama Persatuan Pemaju Hartanah dan Perumahan Malaysia Wilayah Persekutuan Kuala Lumpur (KL REHDA), Institut Perancang Malaysia (MIP) dan

Pertubuhan Arkitek Malaysia (PAM).

WCSC 2017 yang diadakan pada 10 Ogos 2017 di Royale Chulan Kuala Lumpur menghimpunkan lebih 500 pemain industri dari seluruh negara.

Hadir merasmikannya, Pengerusi WCSC 2017 Datuk Wan Hashimi AlBakri Jaffri dan Datuk Bandar Kuala Lumpur, Datuk Seri Mhd Amin Nordin Abd Aziz.

Persidangan itu juga mendapat sokongan daripada Dewan Bandaraya Kuala Lumpur (DBKL) dan

Sime Darby Property Berhad sebagai peneraju utama persidangan.

WCSC 2017 membincangkan manfaat dan cabaran yang dihadapi ke arah menjadi sebuah bandar raya bertaraf dunia menjelang tahun 2020.

WCSC juga menyediakan platform yang membina dan mendidik menerusi pembabitan semua pihak berkepentingan dalam memperkenalkan amalan terbaik yang boleh dipraktikkan menerusi pengalaman antarabangsa dengan mengadaptasi amalan ban-

dar raya bertaraf dunia yang lain.

WCSC 2017 turut menampilkan penceramah antarabangsa dan tempatan antaranya Ketua Daerah Banyuwangi, Indonesia, Abdullah Azwar Anas, Artitek dan Penyelidik Kanan Pusat Kajian Urban Fukuoka Jepun, Takayuki Kubo dan Pengarah 8-80 Cities, Toronto, Kanada, Gil Penalosa serta Pengarah Urusan TRX Lifestyle Quarter, Stuart Mendel.

Untuk maklumat lanjut boleh melayari www.wcsc-kl.com.